



Broj: 03-33-4451- 6 /2023
Dana; 13.06.2023. godine

01

BOSNA I HERCEGOVINA
FEDERACIJA BOSNE I HERCEGOVINE
UNSKO-SANSKI KANTON
SKUPŠTINA UNSKO-SANSKOG KANTONA

PRIMLJENO:			
Dana	U ime	Redni broj	Broj prijema
13.06.2023.	[Signature]	03-02-2190-349/2023	13/23

SKUPŠTINA UNSKO-SANSKOG KANTONA

PREDMET: Program rada za 2023. godinu ZU „Apoteka“ Bužim, dostavlja se

Na osnovu člana 96. stav (2) Poslovnika Skupštine Unsko-sanskog kantona („Službeni glasnik Unsko-sanskog kantona“, broj: 9/17), u prilogu vam dostavljamo Program rada za 2023. godinu ZU „Apoteka“ Bužim, uz sljedeće :

O b r a z l o ž e n j e

Vlada Unsko-sanskog kantona je na svojoj 25. sjednici održanoj dana 09.06.2023. godine razmatrala i Zaključkom broj: 03-02-2190-349/2023, prihvatila Program rada za 2023. godinu ZU „Apoteka“ Bužim

Kako je članom 2. stav (2) Odluke o metodologiji i rokovima za izradu programa rada i izvještaja o radu koji se upućuju Skupštini i Vladi Unsko-sanskog kantona, propisano da su javne i zdravstvene ustanove, javna preduzeća, zavodi, službe, fondovi čiji je osnivač Skupština Kantona ili tijela i lica koja imenuje, potvrđuje ili razrješava Skupština, dužni program rada i izvještaj o radu dostaviti Skupštini Kantona na način utvrđen u predmetnoj odluci u prilogu akta dostavljamo Vam na razmatranje Program rada za 2023. godinu ZU „Apoteka“ Bužim, predlagača Ministarstva zdravstva, rada i socijalne politike.

S poštovanjem,

Prilog:

- Program rada za 2023. godinu ZU „Apoteka“ Bužim
- Zaključak Vlade Unsko-sanskog kantona broj: 03-02-2190-349/2023 od 09.06.2023. godine

Dostavljeno:
1. Naslovu
2. a/a





Na osnovu člana 16. Zakona o Vladi Unsko-sanskog kantona („Službeni glasnik Unsko-sanskog kantona“, broj: 5/08), na prijedlog Ministarstva zdravstva, rada i socijalne politike, Vlada Unsko-sanskog kantona na 25. sjednici održanoj dana 09.06.2023. godine, donosi:

ZAKLJUČAK

I

Prihvata se Program rada za 2023. godinu ZU Apoteka Bužim i upućuje se Skupštini Unsko-sanskog kantona na razmatranje.

II

Ovaj Zaključak stupa na snagu danom donošenja.

Broj: 03-02-2190-349/2023
Bihać, 09.06.2023. godine

PREMIJER KANTONA
mr. sci. Mustafa Ružnić

ZDRAVSTVENA USTANOVA

APOTEKA BUŽIM

BUŽIM

Gen.Izeta Nanića 34

ID br.4263084020007

PLAN I PROGRAM RADA ZU APOTEKA BUŽIM

ZA 2023.GODINU

BUŽIM, April 2023.godine

UVOD

Plan i program rada ZU Apoteka Bužim definisan Zakonom o apotekarskoj djelatnosti, Zakonom o lijekovima i medicinskim sredstvima, Odlukom Skupštine Unsko-sanskog kantona o osnivanju ZU Apoteka Bužim, Statutom ZU Apoteka Bužim i Odlukom o metodologiji i rokovima za izradu programa rada i izvještaja o radu koji se upućuju Skupštini i Vladi Unsko-sanskog kantona.

Programom rada ZU Apoteka Bužim utvrđeni su ciljevi, koje će ZU Apoteka Bužim ostvariti u okviru svoje nadležnosti tokom 2023.godine.

Cilj ZU Apoteka Bužim je pružanje kvalitetne farmaceutske usluge u skladu sa smjernicama Dobre apotekarske prakse i potrebama korisnika, aktivan doprinos zaštiti zdravlja stanovništva, promovisanje zdravog načina života, i prevencija bolesti.

ZU Apoteka Bužim teži ka tome da krajnji korisnik naših usluga bude zadovoljan.

NORMATIVNI DIO

ZU Apoteka Bužim nije u obavezi da radi nacрте i prijedloge zakona i drugih propisa koje donosi Skupština i Vlada USK-a

TEMATSKI DIO

U okviru djelatnosti ZU Apoteka Bužim će u 2023.godini vršiti:

- snabdijevanje stanovništva i osiguranih lica lijekovima i medicinskim sredstvima
- snabdijevanje herbalnim lijekovima i herbalnim supstancama
- snabdijevanje homeopatskim lijekovima
- snabdijevanje magistralnim i galenskim lijekovima
- snabdijevanje dječijom hranom i opremom kao i dijetetskim proizvodima
- snabdijevanje kozmetičkim i drugim sredstvima za njegu i očuvanje zdravlja
- snabdijevanje u vezi pravilne primjene lijekova, medicinskih sredstava, herbalnih i homeopatskih lijekova, kozmetičkih i dijetetskih proizvoda.

Sve ove aktivnosti vršiće se u skladu sa dobrom apotekarskom praksom koja predstavlja sistem smjernica za osiguranje kvaliteta usluga koje se pružaju u ZU Apoteka Bužim.

ZU Apoteka Bužim će u 2023.godini:

- obezbijediti sigurnost i kvalitet lijekova i medicinskih sredstava u prostoru u kojem prometuje u skladu sa uputama proizvođača
- prometovati sa lijekovima koji imaju dozvolu za stavljanje lijekova u promet izdatu od Agencije za lijekove i medicinska sredstva BiH
- poštovati režim izdavanja lijekova utvrđen dozvolom o stavljanju lijekova u promet
- prometovati samo ispravnim lijekovima kao i medicinskim sredstvima
- prijaviti Agenciji za lijekove i medicinska sredstva BiH neželjene efekte lijekova
- imati stalno na raspolaganju utvrđene količine lijekova sa esencijalne liste potrebu za redovnu jednomjesečnu zalihu
- voditi aktivnosti o zbrinjavanju farmaceutskog otpada i sklopiti ugovor sa nadležnom organizacijom za zbrinjavanje istog
- u prometu lijekovima na malo poštovati utvrđenu visinu maloprodajne marže
- nabavljati lijekove samo od veleprometnika lijekovima koji imaju dozvolu za promet lijekovima na veliko sa kojima će potpisati ugovor o snabdijevanju
- obezbijediti potrebne uslove u pogledu prostora, opreme i kadra za normalan rad
- voditi propisane evidencije i dokumentaciju u skladu sa zakonom
- sprovoditi stručnu i javnu afirmaciju racionalne politike propisivanja i izdavanja lijekova, te obavljati promociju zdravlja.

ZU Apoteka Bužim će u 2023.godini ostvariti potrebnu saradnju sa Ministarstvom zdravstva, rada i socijalne politike USK-a, Skupštinom USK-a, Zavodom zdravstvenog osiguranja USK-a, nadležnim inspekcijama, Federalnom farmaceutskom komorom, Domom zdravlja Bužim.

ZU Apoteka Bužim će u 2023.godini voditi aktivnosti da se obezbijedi veći nivo prometa usluga izdatih komercijalnih lijekova i lijekova sa esencijalne liste koji će omogućiti bolje finansijsko poslovanje, a obzirom da je prethodne dvije godine značajno opao broj recepata sa esencijalne liste.

STRUČNO USAVRŠAVANJE

ZU Apoteka Bužim dužna je brinuti o stalnom usavršavanju svojih uposlenika i u tom smislu će omogućiti praćenje novih znanja svakodnevno čitajući nove informacije, naučnu literaturu, propise iz dometa rada kao i održavajući kontakt s drugim farmaceutima i ljekarima.

U tom smislu, nove informacije na primjeren i razumljiv način će biti prenijete korisnicima usluga, odnosno pacijentima, i na taj način će ustanova provoditi i zdravstveno prosvjeđivanje.

Pri tome posebna pažnja će biti posvećena:

- savjetima o očuvanju zdravlja i sprečavanju oboljenja
- načinu primjene lijekovima
- obezbijedivanju razumljivosti usmenih i pismenih uputa za korisnika lijeka ili treće lice
- sticanje povjerenja korisnika naših usluga da se pridržavaju uputstava o primjeni lijeka
- upozorenje na moguće popratne pojave i postupak u vezi sa tim

Svi savjeti moraju biti stručno utemeljeni na osnovu objektivnih izvora svježih, stručnih informacija.

U skladu sa kontinuiranom edukacijom usvojiće se nova znanja i informacije koje se sastoje iz:

- stanja svakidašnjih bolesti i njihovog liječenja
- efekata varijacije pacijentima i stanjem bolesti na terapiji lijekovima
- prirode, aktivnosti, upotrebe, kvaliteta i čuvanja medicinskih proizvoda
- nuspojave lijekova
- čestih simptoma i njihovog tretmana
- informacionog sistema i izvora informisanja
- određivanje formulacije lijeka i načina doziranja
- principa farmakokinetike
- zakonskih i etičkih obaveza
- efekata načina života na zdravlje
- zdravstvenog obrazovanja i promovisanja zdravlja
- principa profesionalne kontrole

- upoznavanja sa principima istraživanja prirodnih nauka i prakse
- ekonomskog i racionalnog aspekta zdravstvene službe
- upravljanje problemom zloupotrebe lijekova.

Cijeli plan i program rada farmaceutske djelatnosti zasniva se na programu Zavoda zdravstvenog osiguranja USK-a. Apoteke nisu budžetski korisnici i cjelokupan finansijski plan zasniva se na tržišnim zakonima i mogućnostima pacijenata, odnosno korisnika usluga

Ovaj plan zavisi od našeg osnivača, ako izvršite podjelu Apoteke Bos.Krupa i Apoteke Bužim, pošto su oni uknjižili poslije rata Apoteku Bužim, tj.državnu imovinu na svoje ime i sad traže da se mi iselimo iz našeg objekta. Ako se to desi opština Bužim ostaje bez gradske Apoteke i pet radnika ostaje bez posla.

FINANSIRANJE

Funansijski plan za 2023.godinu

VRSTA PRIHODA I RASHODA	UKUPNO
1. PRIHODI	
Prihodi od prodaje komercijalne robe	426.888
Prihodi od esencijalne liste	264.576
Prihodi od pruženih usluga	38.403
Prihodi od finansijskih rabata	26.979
UKUPNI PRIHODI	723.286
2. RASHODI	
Nabavna vrijednost prodane komercijalne robe	308.372
Nabavna vrijednost prodane robe, esencijalna lista	236.151
Utrošeni materijal	1827
Utrošena električna energija	2.526
Otpis sitnog inventara	425
Bruto plata zaposlenih	122.053
Troškovi ostalih primanja	700
Toli obrok	9.392
Prevoz na posao i sa posla	1.196
Troškovi održavanja softvera	420
Amortizacija	3.596
Komunalne usluge	533
Troškovi pretplata na str.izdanja	460
Računovodstvene usluge	2667
Troškovi platnog prometa	1.341
Troškovi poštanskih i telekomunikacijskih usluga	608
Naknada za vode, šume, poseban porez na platu	1.610
Troškovi ostalih nematerijalnih usluga	300
Administrativne takse	110
UKUPNI RASHODI	714232

Vrijednosti prikazane u tabeli su na osnovu ostvarenih prihoda i rashoda u 2022.godini, sa određenim uvećanjem, jer imamo u planu da pokušamo u 2023 godini poboljšati stanje što je vrlo teško jer ne zavisi samo od nas tj. od naše sposobnosti nego ima uticaj puno drugih faktora.

POTREBNA INVESTICIONA ULAGANJA

ZU Apoteka Bužim već više godina ima problem u vezi grijanja. Grijemo se sa grijalicama a znamo da grijalice nisu adekvatne za zagrijavanje većih prostorija. Nadamo se da će osnivač da nam pruži pomoć što se toga tiče. Zdravlje radnika je ugroženo a mi ne možemo to sami riješiti.

Također treba uraditi prilaz Apoteci da bi bio pristupačniji pacijentima, pogotovo starijim osobama.

Apoteka bi trebala osposobiti laboratoriju za koju također nemamo sredstava, a potrebna nam je da bi unaprijedili rad u Apoteci i obezbijedili dodatna finansijska sredstva koja su nam prijeko potrebna.

Direktor
Alma Osmanagić, mr ph



OBRAZLOŽENJE

PRAVNI OSNOV

Pravni osnov za donošenje ovog Zaključka nalazi se u čl. 11.n), odjeljka A poglavlja V Ustava Unsko-sanskog kantona («Službeni glasnik Unsko-sanskog kantona» br.1/04 i 11/04), članu 48. st. 1 Poslovnika Skupštine Unsko-sanskog kantona („Službeni glasnik Unsko-sanskog kantona“, br.9/17) i Odluci o metodologiji i rokovima za izradu programa rada, izvještaja o radu koji se upućuju Vladi i Skupštini Unsko-sanskog kantona („Službeni glasnik Unsko-sanskog kantona“ broj:3/14 i 4/14).

RAZLOZI ZA DONOŠENJE

Programom rada za 2023.godinu ZU Apoteka Bužim utvrdila je svoja opredjeljenja i zadatke koji proizilaze iz Zakona o zdravstvenoj zaštiti, Zakona o apotekarskoj djelatnosti i iz drugih podzakonskih akata (pravilnika, odluka i Statuta ustanove).

Plan i program rada ZU Apoteka Bužim za 2023.godinu sastoji se od uvodnog, normativnog i tematskog dijela i finansijskim planom.

Finansijskim planom Ustanova je planirala prihode u iznosu od 723.286,00 KM i rashode u iznosu od 714.232,00 KM.

FINANSIJSKA SREDSTVA

Za provođenje ovog Programa ZU Apoteka Bužim pored redovnih prihoda (ZZO, prodaja komercijalnih lijekova, rabata) očekuju finansijsku potporu osnivača za realizaciju planiranih aktivnosti (grijanje poslovnih prostorija, opremanje laboratorija, prilaz Ustanovi).

MINISTAR

Prim. dr. Muris Halkić, spec.pulmolog



Na osnovu člana 96. stav 2 Poslovnika Skupštine Unsko-sanskog kantona („Službeni glasnik Unsko-sanskog kantona“ br.9/17), na prijedlog Vlade Unsko-sanskog kantona, Skupština Unsko-sanskog kantona, na sjednici _____ održanoj dana _____, donosi:

ZAKLJUČAK

I

Prihvata se Program rada za 2023.godinu ZU Apoteka Bužim.

II

Ovaj Zaključak stupa na snagu danom donošenja i objavit će se u „Službenom glasniku Unsko-sanskog kantona“.

Broj: _____
Bihać, _____

Predsjedavajući Skupštine
Unsko-sanskog kantona